

## **Kari Veiteberg**



54 år

Sivilstatus: Gift

Nåværende stilling: Bymisjonsprest, Kirkens Bymisjon, Oslo

### **Utdanning:**

September 2006: Disputerte for graden dr.theol. med *avhandlinga Kunsten å framføre gudstenester. Dåp i Den norske kyrkja.*

1995-2000: Fullført doktorgradsutdanning ved Teologisk fakultet (TF), UiO

Juni 1991: Mellomfag i teatervitenskap, Institutt for musikk og teater, UiO.

Juni 1989: Praktisk-teologisk eksamen, Det praktisk-teologisk seminar, UiO

Desember 1988: Cand. theol., Det teologiske fakultet, UiO

### **Etter- og videreutdanning:**

Diverse kurs i vegleiing og sjelesorg. Kurs og diplom i «Heliga Dansar» ved Maria Rönn, Sverige. Kurs i stille meditasjon, Rättvik, Sverige.

Vore med på verkstadar i regi av i KULT- senter for kunst, kultur og kirke

### Arbeidspraksis:

09.2014- : Bymisjonsprest Kirkens Bymisjon Oslo  
02.2013- 09.2014 Bymisjonsprest Kirkens Bymisjon Bergen  
08.2009 – 12.2012 Studierektor ved Liturgisk senter, Trondheim  
1/6 2000– 31/1 2005 og 1/2 2006 – 31/7 2009: Bymisjonsprest ved Bymisjonscenteret  
Tøyenkirken, Oslo  
17/8-30/11 2008: Sokneprestvikar i Gildeskål menighet, Sør Hålogaland  
1/2 2005 -31/1 2006: Prest i Emmaus, Oslo (eitt års vikariat)  
1992-1995: Kapellan i Tempe prestegjeld, Trondheim  
1991 - 1992: Prestevikar i Oslo bispedømme (Grønland, Fagerborg og Nordberg)  
Sommaren 1986: Prestevikar i Sørfold, Røsvik

### Forsking- og undervisningspraksis

1995-2000: Forskningsstipendiat i liturgikk ved Det praktisk-teologiske seminar, UiO  
1995-2000: Faglærer i liturgikk ved Det praktisk-teologiske seminar, UiO Oslo  
1992: Undervisning i Det nye testamentet, ved Institutt for Religionsvitenskap, AVH,  
Trondheim  
1989-1991: ½ og ¼ hjelpelærer i Det nye testamentet, ved TF UiO

### Leiarerfaring:

08.2009 – 12.2012: Studierektor ved Liturgisk senter, Trondheim,  
06.2010 – 10. 2013: Medlem av WCC Assembly Worship Planning Committee  
2004- 2008: Medlem og nestleiar, og konstituert leiar i Nemnd for gudstjenesteliv (NfG)

### Tillitsverv – engasjement:

2015 – : Medlem i kontaktmøte mellom Det mosaiske trossamfunn og Den norske kirke v/  
Mellomkirkelig råd (MKR).  
06.2010 – 10. 2013: Medlem av WCC Assembly Worship Planning Committee og ansvarleg  
for gudstenester og liturgiske samlingar på generalforsamlinga i Busan, Sør Korea  
2004- 2008: Medlem og nestleiar i Nemnd for gudstjenesteliv (NfG)  
1999-2003: Medlem i NfG  
2000- : Medlem av Styret i Emmaus  
1995- : Medlem i *Societas Liturgica*  
1995-1998: Medlem av Nemnd for økumenisk samarbeid og misjon (NØM)  
1987-1989: Nordisk representant i European Committee og The Theological Working Group i  
World Student Christian Federation

## Publikasjoner:

Jacob Jervell: *Et portrett*. Verbum 2013

*Kunsten å framføre gudstenester. Dåp i Den norske kyrkja*. (Acta Theologica nr. 3), Oslo 2006

*Evas Døtrer*, Det norske samlaget, Oslo 2001

*Bibelens Kvinner*, Det norske samlaget, Oslo 1995

Medforfattar i *Hallelujah! Resource for Prayer and Praise developed for use at the 10th Assembly of the World Council of Churches*, Geneva 2013

## Artiklar (utval)

«Ritualisering i veka etter 22. juli 2011» i *Tidsskrift for sjelesorg* 3 /2012: 203-215

«Julepynt og symbol» i *Hyrdingsrøysta* nr.6/2009:6-7

«Gudstenesta som performativ praksis» i *Kirke og Kultur*, 2/2008: 105-117

«Å tilretteleggje symbolhandlingar og riter på institusjonar og i kyrkjerom.» i *Tidsskrift for sjelesorg* 2/2007: 103-113.

Ei rekkje artiklar om liturgiske i emne i m.a. i “Kirke og kultur”, 2/2008; 4/2006; 3/ 1998 og “St.Sunniva”, 3-4/ 2006: 223-234

“Powerful and Perfect Signs” i *See How They Love One Another. Rebuilding Community at the base*. Päivi Jussila (ed) LWF-studies 04/02 Geneve 2001: 75-80

“Preikestolaltaret som eit teologisk uttrykk” i Herre, tal din tenar lyder” i *Rapport frå seminar knytta til 200 års jubileet i Vinje kyrkje*, Telemark kyrkjeakademi, 1996: 43-53

Skrive 1 gong i månaden til “ukens preken” i *Aftenposten* 1998/99

Har jamleg halde radioandaktar i NRK P1 dei siste åra

## Internasjonal og økumenisk erfaring

06.2010 – 11. 2013: Medlem av WCC Assembly Worship Planning Committee

Nominert og vald som europeisk medlem i den verdsvide gruppa på 12 personar som møttes jamleg (i Armenia, Finland og to gonger i Sør Korea) frå juni 2010 – oktober 2013 for å utforma og ha ansvar for gudstenestelivet under generalforsamlinga i Busan i november 2013

Nov 2013- februar 2014: Ledsager (EAPPI) for Kirkens Nødhjelp/KV i Israel og Palestina

2012- : Medlem i NAAL – North American Academy of Liturgy

1995- : Medlem i Societas Liturgica

1995-1998: Medlem av Nemnd for økumenisk samarbeid og misjon (NØM)

1987-1989: Nordisk representant i European Committee og The Theological Working Group i World Student Christian Federation

## Anna

I dei seinaste åra har eg halde ei rekkje innleiingar og føredrag om liturgiske emne og reformarbeidet i Den norske kyrkja for kyrkjemusikarar og andre tenestegrupper i Bergen, Bodø domprosti, Nord- Hålogaland bispedømme, Kyrkjemøtet, Bispemøtet, LIV og for sjukehusprestar, Biskopens fagdagar for kyrkjeleg tilsette i Oslo Bispedømme og i Nidaros.

Og eg har halde appellar, mellom anna i Bergen ved Overdosemarking, Løvetannmarsjen og også i høve bombinga av Gaza.

3.april 2014: «Att tala sant om livet, rit som möjlighet och tillgång. Seminardag for medarbeidarar innan institusjonssjälavården», Stockholm stift

Høsten 2007 medverka eg saman med den nordamerikanske liturgikaren Gordon Lathrop i etterutdanning av til saman 200 prestar i Uppsala stift om "Dopet".

I juni 2008 heldt eg foredrag på Stiftsdagane på Fyn i Danmark og eg var gjesteforelesar på Pastorseminaret i Århus.

Føredragshaldar og vegleiar på diverse etterutdanningskurs i regi av Presteforeninga (LIV/NIGH/)

11.-12.mars 2002: ekstern sensor for prestar ved Etterutdanningskurs i "Elverumsprosjektet

## Teater

Aktør i OVER ÆVNE III Pia Maria Roll / Marius Kolbenstvedt Black Box Oslo i 2010 og 2011

Medskapar av Trondheimsprosjektet «Høyblokka post mortem». ([www.hoyblokka.no](http://www.hoyblokka.no))

## Spørsmål til kandidatene

### 1. Hva er etter din oppfatning biskopens viktigste oppgaver?

Eg vil nemne tre viktige oppgåver som utdjupar det som er formulert i tenesteordninga:

- a. Biskopen skal gjere Jesu bodskap kjend og ho/han skal formidle kristen tru på ein enkel og lettfatteleg måte som vekker engasjement, nysgjerrigheit og glød. Biskopen er både diakonal og profetisk i si framferd og ho har ein tydeleg teologisk refleksjon over dei synspunkta og den praksisen ho ønskjer å fremje.

- b. Biskopen skal framsnakke bispedømmet sitt og ho skal prioritere å møte folk og dei ho har tilsyn for, der dei bur og verkar. Ho skal ikkje vere solospelar, men framelske solidaritet og fellesskap.
- c. Biskopen tar vare på medarbeidarane sine, oppmuntrar dei, lyttar og inspirerer til vidare teneste. Som tilsynskvinne og arbeidsgjevar held biskopen etikk og sjelesorg saman. I arbeidskvardagen spelar ho på lag med, og utnyttar ressursane på bispedømmekontoret, og i bispedømmerådet legg ho til rette for samspel, slik at kvar og ein kan bidra med det dei er gode på.

2. Hva er kirkens hovedutfordringer i dag, og i tiden framover, slik du ser det?

Hovedutfordringa er denne bøna som KVs generalforsamling samla seg om : Livets Gud, lei oss til rettferd og fred. For ei kyrkje som vil følge Jesus er det stadig ei utfordring at vi lever i eit av verdas rikaste land. Korleis skal vi fordele godane våre? Kven skal få kome inn i landet vårt? Korleis handterer vi klimakrisen? Vi må freiste å få alle menneske av god vilje til å handle konkret og kreativt. Vi er utfordra på å få til rause, femnande fellesskap. Vi er utfordra til leve nøkternt, tenkje gjenbruk og grønt. Kyrkja er utfordra til å verkeleg la ungdom og eldre få sleppe til med alt det dei kan og har av kompetanse og ressursar.

Kyrkja lausriv seg frå staten. Vi må finne fram til gode og tenlege strukturar slik at ho framleis kan opplevast og erfarast som ei open folkekyrkje med rom for mangfald. Og vi må få folk til å ville jobbe i kyrkja.

Religion- og livssynssdialog er naudsynt både i Sør-Hålogaland og i verda. Kyrkja må legge til rette for ein open og lyttande dialog som kan føre oss nærmare kvarandre, i ei gjensidig læring.

3. Hva vil du legge mest vekt på for å ivareta biskopens rolle som kirkelig leder med tilsynsansvar i bispedømmet?

Eg vil legge vekt på vere ei ryddig og trygg tilsynskvinne. Dei tilsette i kyrkja vil eg møte opent og ivaretakande og eg vonar at vi får til å arbeide fram ein god balanse mellom arbeid og kvile, fornying, kraft og forkynning og teneste. Biskopen må spele på lag med folk, utfordre og bekrefte. Ho må, saman med staben sin, arbeide jamt og trutt for å få til gode og inkluderande arbeidsplassar og arbeidsvilkår i dei ulike sokna. Det overordna ansvaret til ein biskop er å sjå til at folk trivest i bispedømmet og å gjere dei stolte av tenesta og staden dei verkar på. Då må ho gjere seg kjent med lokalmiljøet, dei lokale kyrkjehusa og kyrkjelydane og ho må freiste å sjå etter, og støtte det lokale særpreget.

4. Hva er kjernen i din forkynnelse?

Målet i mi forkynning, både gjennom preike, bønner og gudstenestehandlingar, er at menneske får fornya håp, vilje og mot til å følge i Jesu fotefar. Om menneske erfarer Guds skapande, frigjerande og livgivande kraft i liva sine, nett no der dei bur, då er eg i kjerna av mi forkynning. Forkynninga skal vere som eit godt brev: datert,

adressert og signert. Det vil seie at ho er eit ekte uttrykk som vender seg til menneske her og no.

Eg er prega av samtalar eg har hatt med folk frå ulike lag av samfunnet og med ulik erfaringsbakgrunn.

Ein ting er kva forkynnaren trur ho forkynner, noko anna er kva ho eller han i kyrkjebenken, eller framføre radioen, tek til seg og høyrer. Eg freistar å kome med kunnskap, opne opp og legge til rette, slik at mottakaren kan få eit frigjerande møte med evangeliet.

5. Hvilke visjoner har du for Sør-Hålogaland bispedømme og Den norske kirke framover?

Visjonen om ei open dør i tru, håp og kjærleik har kraft og styrke i seg! Dessutan finst det ein visjon i formuleringa «Livets Gud, lei oss til rettferd og fred.» Eg vonar at Sør-Hålogaland bispedømme og Den norske kyrkja ser seg sjølv som ein del av den heilage, universelle kyrkja.

Og at alle folk får erfare at dei er av uendeleg verdi, og kan brukast til noko godt.

-At kristentru vert erfart som ei frigjerande kraft som gjer Kristus levande. - At ho vert opplevd som ei open folkekyrkje som tydeleg er på den svakaste si side. - At dei som har si teneste i DnK, både som lønna og ulønna medarbeidar, trivest i tenesta og erfarer at dei blir sett, tatt på alvor og at dei får brukt evnene sine.

6. Hva vil være ditt særlige bidrag inn i bispetjenesten i Sør-Hålogaland bispedømme?

Den eg er som fagperson og menneske, er mitt særlege bidrag. Eg har arbeidd mykje med gudstenesta og er særleg god på gudstenestearbeid. 12 år som prest i i Kirkens Bymisjon pregar meg og det har forma den måten eg tenkjer og står fram på som prest og kyrkjeleg medarbeidar. Eg er ein god fagteolog, og god til og opptatt av, å formidle tru og teologi med enkle, lettforståelege ord og handlingar.

Eg har eit stort nettverk, både innafor teologiske fagmiljø og kyrkjer, og også i kunst og – kulturfeltet.

Eg kan vere med å bygge bru mellom menneske og gjere kyrkja til ein møtestad for mange, på trass av forskjellar i bakgrunn, livsyn og kultur.

7. Hva kan du med din kompetanse tilføre bispekollegiet og bispemøtet?

Eg kan tilføre liturgisk kompetanse og kompetanse frå økumenisk og internasjonalt arbeid. Som de ser frå CV-en har eg lang utdanning og eg har hatt høve til å arbeide både gatenært (rus, psykiatri, fengsel, migrasjon, gatefolk, alternativ jul, augevitne og ledsagar i Israel/ Palestina) og innafor akademiske samanhengar (doktorgrad i liturgikk, føredrag og artiklar og konferansar, stort forskarnettverk.)

Eg opplever dette som ei styrke og som ein særeigen kompetanse inn i bispekollegiet og bispemøtet.

8. Hvordan vil du som biskop i Sør-Hålogaland bispedømme ivareta det teologiske mangfoldet i bispedømmet?

Eg vil prøve å få til samtalar og meningsutvekslingar der ein trygg på at ein vil ein annan vel og at ein ikkje set einannan i bås. Vi må tørre å være modige til å seie høgt det vi tenkjer og meiner. Eg vil øve oss på å tole usemje. Eg vil også arbeide for at folk ikkje kjenner seg ekskludert på bakgrunn av kjønn, samlivsform, seksuell orientering, funksjonsnivå, alder eller etnisitet.

9. Beskriv kort din teologiske profil og ditt ståsted i Den norske kirke.

Med eit nedanfrå blick står eg sentralt plassert i kyrkja. Eg har gode kontaktar i ulike kyrkjelege miljø. Eg er opptatt av at kyrkja gjennom forkynning og væremåte kan bekrefte og utfordre. Eg ønskjer at kyrkja skal formidle livsmot og håp til alle menneske og at ho framstår som ein profetisk røyst. Eg ønskjer å formidle evangeliet om Jesus og å være fagleg oppdatert. Eg likar å vidareutvikle teologisk kunnskap og refleksjon både for eigen del og for medarbeidarar.

10. Hvordan er din kjennskap til landsdelen?

Første presteneste mi som teologisk student var i Sørfold. Eg budde på Røsvik. Hausten 2008 var eg vikar for soknepresten i Gildeskål. Begge delar var viktig for mi utvikling som prest og gjorde at eg vart glad i folket og landsdelen. Sommaren 1996 var eg vikar for soknepresten i Hasvik, Finnmark. Eg har reist ein del i landsdelen og vore ein god del i Bodø, også på kyrkjedagane der.

Eg er kystkvinne og ein aktiv brukar av sjø og fjell. Derfor er det mykje ved Sør-Hålogaland som gjer at eg kjenner meg «heime».

Eg er også glad i landsdelen og landet sine to store salmediktarar, Petter Dass og Elias Blix.

Bestemor til mannen min er frå Kjerringøy og han har skrive om biskop Gunnerus sine visitasreiser til landsdelen for 250 år sidan.

11. Samisk språk og kultur er en del av Sør-Hålogaland bispedømme. Hvilke tanker gjør du deg om dette?

Eg var heldig å vere med på ein studietur til regionen då eg var Studierektor ved Liturgisk senter og eg har hatt mange samtalar med representantar for det samiske kyrkjelivet. Det samiske er ein viktig del av den nordnorske og norske kulturen, og eg ser at i tillegg til sør- og nordsamar, bur det og pitesamar og lulesamar i Sør-Hålogaland. Saman med Nord-Hålogaland og Nidaros -og Samisk kyrkjeråd - bør også Sør-Hålogaland bispedømme ha på dagsorden at alle dei ulike samiske folkegruppene erfarer seg verdsatt og sett.